




# Chamna Aw

(A Monthly Organ of the Evangelical Synod Church)

Vol. XXXII

No. 01

April, 2017



2017  
Kum  
thupi:

**KRISTA DINGA PALAI**

II Korinth: 5:20

Editor: Rev. Thangkhoiem



Alak man ..... apat ..... ₹ .....  
**If undelivered pliz return to:**  
ESC SECRETARIAT,  
Chengkawpang, Churachandpur,  
Manipur - 795158

Published by Rev. Thangkhoiem on behalf of the Evangelical Synod Church  
Printed at: THAWNSAAU PRINTING WORKS, CENTRAL LAMKA.

PIN

**Chamna Aw**  
(Evangelical Monthly)  
Regd. No. 64436/96  
E-mail, e757c7@gmail.com  
www.synod church.com

CHAMNA AW PHUNGVUKNA DING	
1. Chief Patron	₹ 5000,00
2. Patron Member	₹ 4000,00
3. Diamond Member	₹ 3000,00
4. Gold Member	₹ 2000,00
5. Silver Member	₹ 1000,00

# Chamna Aw

SUOHPAT KUM 1986

a sunga thu umte

- Editorial .....01
- Palm Sunday.....02
- Good Friday .....05
- Krista thawhkitna zieka hamphatna.06
- Gingtute thihna.....09
- Isu hunlai a dante ..... 12
- Jerusalem Election..... 15
- Thugawlh thak ..... 17
- A thi khah, athokit tai..... 19
- Kisik hun akikhel thei hi .....21
- Anngawl paucham .....22
- Synod Conference-2017 report .....26
- Ka duhthusam hun gen ing ka .....28
- Kross a Isu veilam a thipa testimony29
- Advertisement .....32

#### EDITOR ANA HITE

1. Upa Lalkhgin 1986
2. Rev. Khaigin Gangte 1987-2005
3. Rev. Lamkhawsat 2006-2013

Vol. XXXII No. 01  
April, 2017

#### EDITORIAL BOARD

**Chairman:**  
Upa Dr. L.S. Gangte, M.A. M.Phil.

**Editor:**  
Rev. Thangkhoiem M.Div.

**Asst. Editor:**  
Rev. K. Siemlien B.D.

**Associate Editor:**  
Rev. Khaigin Gangte B.D.  
Upa Paozalun B.A.  
Rev. L. Sata B.Th.

**Bible Study:**  
Rev. T. Kamgin Gangte M.Th.  
Evan. Paukhomang B.D.

**Contributing Editor:**  
Upa Th. Manggul B.A.  
Rev. T. Kampu M.Th.  
Rev. Henkholien M.B.S.  
Pastor Khaitinthang B.Th.  
Evan. L. Minthang B.Th.  
Miss Chinboi MRE

**Circulation Manager:**  
Mr. Paubik, Secy. SEB  
Mr. Letkhokam, Cashier

- Kumkhat lakman Rs. 150/-
- Thusuoh nuom nei te'n ESC Office Post Box-54, Chiengkawnpang, Churachandpur a thak ding.
- Ala nuom leh a man pie nuom te'n circulation Manager, hetsak ding.
- Thukisuoh cheng hi ESC Ngaihdan ahi vek khel puoi. Article zikte'n a mawh a kipuok chiet ui.

PRINTED AT  
THAWNSAAU PRINTING WORKS  
CENTRAL LAMKA

## DECLARATION

(Form IV (See Rule8))

Statement about ownership and other particulars of the Magazine,  
“CHAMNA AW”

1. Place of Publication : Thawnsaa Printing Works,  
Central Lamka  
Churachandpur - 795128,  
Manipur
2. Periodicity of  
Publication : Monthly
3. Printers Name : Rev. Thangkhoiem
4. Editor's Name &  
Address : Rev. Thangkhoiem  
Executive Director, ESC
5. Nationality : Indian
6. Address : ESC Secretariat,  
Chiengkawnpang- 795158,  
Churachandpur, Manipur.

Name and Address of individual who own the Magazine and Printers  
or share holders holding more than one percent of the local capital  
The Evangelical Synod Church  
Chiengkawnpang - 795158

Rev. Thangkhoiem hereby declared the particulars given above are  
true to the best of my knowledge and belief.

Sd/-

Dated: Chiengkawnpang  
The 1st March, 2017

Rev. Thangkhoiem  
Signature of Publisher



## EVANGELICAL SYNOD CHURCH

SECRETARIAT  
Chiengkawnpang – 795158, P.O. Box – 54  
Churachandpur, Manipur

### ADVERTISEMENT

Tununga Sapchuom puitu ding ngaihtuohna'n Council 2016 in khangthakte Theologian te leh lekhathiemte laka Evangelist ding mi 2 (nih) lak ding tih ahi a (vide ESC/AC-2016/Res. No. 38 dt. 4-12-2016), apply hun bawl leu tia hetsakna kihawm pen DPC memberte report na dungzui in Information chieh hawihloh ziekin, DPC ding chawn phasak ahi a, anuoia banga hi siemthak ahi..

#### Details (tiemteh ding):-

1. Post : Evangelist (temporary, lightly permanent)
2. Pay : Rs. 7,000 (fixed) minimum Basic of Evan. II
3. Qualifications : B.Th. above
4. Xerox copy of all documents (Secular & Theology)
5. Sapchuom te Recommendation Certificate
6. Interview ni leh Original copy ken kim ding.
7. Document kimlo chu pawm hi puon a.
8. Kum 20 – 35 kikal a umte.
9. Last date for submission of application : 30<sup>th</sup> June, 2017
10. Date of Interview : 7<sup>th</sup> July, 2017 at 11:00 a.m.
11. Interview mun ding: ESC Secretariat, Chiengkawnpang
12. Tuchunga hi Numei candidate kilalo ding ahi.

Dated: ESC Secretariat,  
The 23<sup>rd</sup> March, 2017

  
(Executive Director)  
Evangelical Synod Church

*Chamna Aw*

## Editorial

### “ISU KRISTAA TIH U HI BANG KA LAWH TA DIE LEH?”



“Hosanna! Lalpa min a hung chuh ahamphai!  
Chungnungpen akhun Hosanna! Tin a kiko ua”...

Amah chuh Kross ah khenden ah tin akiahako zaw diek ua”.... “Lau  
kiu, Nazareth Isu a khetden u kha hawl na hui a; atho kit tai, zie hin  
a um ta puoi. En mah tiem u, a sielna mun hih”

(Matt. 21:9, Matt. 27:23, Mark 6)

Lalpa Isu Krista Jerusalem a Lopi taka alut a, chawihmawia aum bangin I  
hinnau a Isu chu la lut a, lopi taka chawihsan chuh gingtute hih ding him  
ahi. **Lalpa Isu Krista chuh chungnungpena chawihsan na pie zing I  
hi nau em?** Khawvel huih chuom chuom nungte hin ei maua Isu lopina  
sumangthai mai I hih khak ding hi lauhum tak ahi. Zie khawvel haksatna  
leh mi tamtakin Lalpa nung azuihloh lai hin, **Isu chuh chungnungpen hih  
na I pieu em?** Lal Isu chu limbawl na leh chawihsan na thak pie kit chiet  
dingin Lalpa Thagau in ei pui hen.

Lal Isu lopi taka chawisang pawlte chu le, hun chawmkhawt zawhin,  
‘Kross ah khen den in.. Kross ah khendenin’ tin akiko pai tau hi. Hunkhat  
chuh Lal Isu chawisang leh deih bawla... chawmlo kala Isu Krista Kross  
a khenden pawla pan theih ahih dan akichien hi. Lal Isu I hinnau a dinga  
tello a, I deihloh chun... a khendentu I hi zing hi. Khawvel in Isu deihloin  
paih mahleh Amah gingu ka hi kitite hin chuh, thildang cheng sanga  
Isu telzawk ding ahi. Miten Isu khenden mahleu ei mau hinkhuo a dinga  
**Hukdampa** a pawma, Amah thuokna thuokpih ding leh alopina pie zing  
dinga pan ham ham ding ahi.

Isu chuh deihloh leh sukmanthai dingin Kross ah khetden in aum a, athi  
a Vuihin aum hi. Mahleh thihnan atuden thei puoa; Thihna akipatin a  
tho kit tai. Mi gilote gitlohna zieka khetden a um in tatna cheng a zo hi.  
Thihna akipat a, A thawhkitna chuh.. ei mau ngeile gitloh a thi a, Krista  
zal a thawhkitna leh gitloh thihsan a, thiem chang a I um theihna ding ua

tho kit ahi. Lal Isu Krista thihna akipata A thawhkitna hih, Melma zawhna leh Setan suok akipat a ei pawtsakna zawhna chu ahi. Zie zawhna mang ahi Gingtute'n khawvel zo zel ding I hiu hi.

Palm Sunday, Good Friday leh Easter Sunday I matnau ahin, Lal Isu lopina pie a, ei uh a dinga athuokna geldawk thaka, Thihna zo, A thawhkitna zieka kipahna thak leh lungmuona thak nei a, Lal Isu a dinga ei mau chiet kipiektakna ahih theihna dingin, Lalpa'n ni pawimawhte hi ei mat pih chiet hen.

**Krista Isu atih u hi bang ka lawh ta die leh?** Zie dawtna pawimawh tak mai hi, nangin na dawnna bang ahim? **Isu hi deihloa um zing ding na him?** Isu miten paih mahleh Ken tel-ingka ti thei dingin, Lalpa'n ei vangsak chiet ta hen.



## PALM SUNDAY Frame-Work Agreement

- Rev. Khaigin Gangte

Adam leh Evi'n Pathien thupiek a bawhsiet ua, I Pau Pathien in A mi siemsate, A lungsiet mahmahte, kumkhuo gawtna changa, setan thu nuoia a um ding uh A deihloh ziekin, Tatdawkna nasep dan ding hun guonggalh in A chapa Isu Krsita tawh Lalchutphah Sawmni-le-li chungu chu Upa sawmni-le-lite tawh Tatdawkna ding, "Frame Work Agreement" chu draft ahun bawl tau ui. (Thup. 4:1-5; 24) sungah ze chungchang chu muhin a um hi.

Ahi, tulai India Government leh UNC /NSCN ten Frame Work Agreement ah suoi akai ui tih akihat hetin, mi tampi'n ze sunga chu bangbang kizik ahim tin, hetnawpna thu a kigen vengvung mai hi. Zetawbangmah chun eihaw tatdawkna dinga,

Frame-Work Agreement sunga hi bang bang kizika, bang thu um ahim tih hile malai mite ana buoinau leh hetnawppen khat ana hi a, Vana Vansawlchakte natiengin ana hetnawp u chu ahi tih muh ahi. I Peter 1:10-12 ah muhin aum hi. Ephesi 3:5, 9 ale.

**phat leh ei hun hezing in aw."** atih leh Isu'n **"Tuni'n ka kawm ah Paradise ah chawldam tan."**

Tia agen chuh ka zak phet in, *Lalpa kei le na kawm a, Paradise a um ka ut hi, na kawm a ka thil nget chuh angen khiel ka hitai, ei ngaidam in Lalpa,* tithei ta mai leng chuh, ei ngaidam nuom mah mah in a, tih ka gingchai. Ahinla, khutia genna chang chuh, heloin bawlkhiel kei chuh ka hi tai. Hukdampa tawh kinaih cha a um zing hingal in, tun chuh kumsawt a dinga ki gamla chuh kahi mai tau hi.

Khawvel a damnalaite kawma ka hun thu vaithak nuom chuh, a chunglam a ka gen, **Matthai 10:28** na khuh ahi mai hi. **"Taksa that thei te sanga taksa leh thagau anih a gawtmun a gawt theipa hih lauh ding ahi zawi."** Tih hih ka hun thu vai thak nawp pen chuh ahi. chuleh, Isu tawh kinai cha a um khak man a, hukdam a um ding I hi puou a, **"Ei hukdam in,"** tia I sap tieng chauh leh ei hukdam chauh ding

ahih tih hih phatak in hun he chiet un.

Chun, mi tamtak te Ho-In kai kai zieng, thawhlawm le pie pie zieng, Bible le achang chang leh sim zel tho, ahih vang a, Isu kawma **"Migilo ka hi Lalpa, ei ngaidam in."** tikha ngeilo te chuh, bangmah tik in, Isu kawm tung thei ngei ngei lo ding ahiu. Vangam leh Gawtmun hih chiemnuihna mai mai ahi puo a, a um tak tak ahi. Tuhin namasang u ah lampi nih aum a, kawu zawk natel ding uh ahim? Deihelna chuh, nang mah khut ah aum a, zieziekchun Isu kawm tun theihna lampi **"Lalpa migilo ka hi, ei ngaidam in."** hunti thei chiet guo tau in, tih hih ka hun vaithak na lienpen ahi mai tai. Gennawp tamtak ka nei nalai a, mahleh ka umna Sheol meikuong hih asa taluo a, ka dang ahul zo a, zieziekchun chan hih hiphawt mai taken , ti'n eihun dawng tei in a tih ginchak umtak ahi.

Simtu cheng Lalpa'n ei malsawm tau hen.



nahih leh Kross apat hung kum in, khutileh hun gingcha ding ka hiu.” Ti’n ahun eng-ho ek ek tau hi. Kross a kikhetden anat dan chulah agen ngaihna umlo ahi mai hi. Chun, ahotute’n Isu a honau behlap in kenle, Isu kawm ah, “Krista nahih leh nang le nang kihukdam inla, kei ute nih hile ei hukdam in, gimtheih umtaluo hilo ahim?” tin ka hun ngen lai zang kit tai. Ahinla, Isu’n ka ngetna chuh, kamkhat in le ei dawng ta puoi. Khawvel a aum lai a, thilpha bawl a, gimtheite panpih ngaite Panpihpa hi a, bangti dan a ka thil nget hih hun dawnglo ahi die aw! tih ka ngaih tuoh leh kisuonlah um le ka hun sathim tai.

Zielaitak chun, ka kikhetden pih pa’n ka thugen chuh, ahun dawng zaw ta a, “*Bang zieka khetden a umna him tih kihet in, Pathien aluhna changle helo na hi maw?Eite nih hih I gitloh zieka khetdan aum I hi a, gawt taak himle I hi. I thil hihkhielh man mu I hi. Chuleh, zie Pa hin (Isu hin) chuh bangmah hihkhelh neilo ahi.*” ti’n awihmawh tawh simmawh ei hun thuoh tai.

Ziephet chun ka thil nget chuh thil zahchak um tak inle ka hun gel tai.

Isu’n lei chung a um lai a, “*Taksa that thei te lau ki’u unla, thih nunga taksa leh thagua anih a gawtmun a paihlut thei pa, Pathien lau zaw’u un.*” Matthai 10:28 a ana gen bang khuh ngaihtuoh khalo ka hi a, ka thil nget chuh amun leh ahun tawh kituok lo chuh ka satun tun mai tai. Taksa hukdamna deih ziek a, thagau kumkhuo hukdamna pawimawh pen ngen khalo ka hi tamai hi. Chuleh, zie taka ka kawm a, meikuong laka simsen loh te hile a damlai ua, Pathien tello a, taksa nawpsak nading, let ding, lal ding leh pil ding, thiem ding leh hauhsak ding chauh ngaihtuoh a, thihnunga vaihawmna leh gawtmun um ding thu mawng mawng ngaihtuoh utlo te ngen ahiu hi. Akhawk hi tih khel gen ding umlo chuh ahi mai tai.

Chuleh, ka hihkhelh naban ah, ka hih khelh sawn kit khat chuh, ka kikhetden pih pa, ka lawipa’n Isu kawm ah, “**Lalpa nagam natun**

Awle, Thiengau huntiengin zie Agreement sunga thu kizik chu ana heu a zelaka khat Zekaria muh hi, achawm lamin vak sulang masai tiu:

1. Mite gitlohna lakmangna dinga A tatna nasep ding. (3:8-9, 13:1)
2. Pathien chenna In sa ding a hihna. (6:12)
3. Khawvel pumpia Leng leh Thiempu guola vaihawm ding. (6:13, 9:10)
4. Guolzotu, Lopitaka Jerusalema A lutna. (9:9) Matthew 21:5; John 12:15; Mark 11:1; Luke 19:28 na te ah a hung kigendawk hi. Awle, tunia I Thupiu Palm Sunday hi chawmkim takin vak en hitiu. Zie thu hi Pathien in ngai pawimawh mah mah hi ding ahi a, Gospel bu lite ahin genin aum chiet hi. Ze thu guonggalha aumna mun hi Lalpa Isu leh a lawite Bethphage khuo kieng atun lai ua, Lalpa Isu’n a ngaihtuoh dawk phut hileh a kilawm hi. Olive tang chu Olive thing tamna mun Jerusalem leh Kidron luiin a hal tang sang li nei ahi a kitii. Jerusalem apat gamla lo cha Chawlhnia chieh phakna phet ahi. Lalpa hungkit tieng leh zemun mah ahi hung kum kit dinga gen ahi (Zekaria 14:4). A tumlam ah Gethsmani huon

aum hi. Bethphage-Bethany-Nipi In, Bethphage. Nipi thei In tihna ahi. Bethphage hi Bethani khuo kienga um ahi a, Jerikoh khuo apat Jerusalem zawtna lampia um ahi (Mark 11:1). Bethani hi Mari leh Lazarus chenna khuo tawh kinaih cha hi. Bethphage hi Bethany leh Jerusalem kikala Olive tang bul cha a um ahi.

Ze Palm Sunday hi I Lalpau A thih masang chaa Chawlhna ahi a, malai a Messiah hung ding tia a chung a Agreement bawlsa guitun nadinga thil um ahi (Zekaria 9:9-10). Kum thum sung hiel Namte kawmah Amah ngeiin chawllao zin viel in thilmakte hih in, sinsakte leh mi 70 te mangin a kiphuongviela, A thihna ding le vaihawmten a sukfel sau ei tai tih he’n, zedinga chu Amah ngei le kisazo ahi tih A gen hi. Khawpi Thiengtho ah mipi tamtakte hetin a kietsaka, akiphuong tai. Zechun mipi tamtak kinepna neiten, “Hossana” tin a sam tau ui. A lunggel u chu suohchakna ni, tatdawkna ni tung hi’n a ngai tau ui. Hilhlawka a um bangin Isu sabiltung no chungah a chu tai.

**Aziekchu:-**

1. Hilhlawkna thute athukimna ding ahi.
2. Lalpen banga lopitaka A

hung kitna ding ahi nai puo a, Vansawlchakte sanga nuoi nungzawakingainiem taka aum hunsung ahi. Sabiltung chung a chut hin ki-ngaihniemna a etsak hi. (Zekaria 9:9)

- 3. Lalpen banga A hung tiengle chu Sakawl vam chung a hung ding ahi.

(Thuphuon 19:11; Sam 118:26)

Het dinga pawimawhte: Adang hi a pawimawh puoi tihna hiloin;

- 1. Nawpna leh Dahna a kinai mahmah sek hi. Hun chawmlokalin muhdahna leh a hawtnau a hung kipan pai hi tih muh ahi. Akikote kha suthip un, tia pharisaite kiko thawm zak ahi pai tai. Chawmkhat halin Isu'n Jerusalem akahcham hi tih a hia, pahchakna I chan ahim/I lawh ahim hi melma neihna hung suok thei ahi tih hea pilvan ngai ahi. (Thuchingte 7:14)
- 2. I Lalpau Isu pahchakna leh chawihmawina hi ahiding mawng ahi a, zete hi thip leule suongchang bek kiko ding ahi tih hi Lalpa'n Pharisaite a dawnna ahi.
- 3. Pahchakna leh chawihmawina chu Thil hih leh nasepa suklat ding ahi. A nungzui nihten Lalpa gen banga chieh a, ahih ziekuh ahi. I hinkhuou a Lalpa Thu manga, thilhihna

pahchakna sulang zel ding a lunggelna thak nei ding in I kichiel ui.

**Lalpa Isu Pathienna (Divinity) suklatna ahi:**

- 1. A Pathien hihna'n Jerusalem alut masangu'n a mazawn ua sabiltung kihen A mu thei hi. (Matthew 21:2; Mark 11:2: 28-49)
- 2. Nathanel kawma, "Phillip in a hun sap maa theipi bula na um lai khan ka hun mu a puo." a ti thei hi. (Jon 1:48-49)
- 3. Tui laka nga sunga Rs. 2/- (cheng nih) um khale a mu thei hi. (Matthew 17:27; Hebrai 4:13)

Atawpna dingah, bangti dana zie Sabiltung hi vamawk laka mang thei ahi die? ti maithei na hi, zie Bible changte hi en leh chin, aziiek kichienpen in ka hei (Sam 50:19; Kol. 1:15-16).

Malaia Pathien lungthim selguka um chu "Frame Work Agreement" thu masa lama I genteu kha Sawlchak Pawl in a hung kiphuondawkna Ephesi 3:5-13 ah agen a, Gal. 4:4 a kigen guolin kum 400 vel nungin phuondawkna um in, eihawn le tuhin ze thuguk chu he leh mua nei in, "Hossana, Lalpa mina hung chu a hamphai, Chungnungpena khun Hossana" ti'n I sam thei tau ahi.

*Lalpa chu pahchakin um hen.*

**KROSS A ISU VEILAM  
A THIPA TESTIMONY  
(Luke 23:39-43)**

- Mangkhuo Gangte  
Bunglon

Migilo leh suommang, Isu Krista veilama, kikhenden pa khah dawtna tihin kibawl henla, "Ahihleh unaupa, bang tidan a nang hih, gawtmun a valut kha nahim? Na kikheden pih pa, na lawipa (Isu changlam a kikhenden pa) khala Paradise ah aum tai, akiti a, migilo chiet chiet, bang ati a nang gawtmun a lut a, Vangam kailo thei na him?" tin kidawng le chuh anuoi a bang hin, ei dawng ina tih ginchak aum hi.

Unaute, nei thudawt uhuh dawt dinga kilawm tak chuh ahi a, mahleh hun dawn dingle zahchak umtak hia ka het ziekin, thalawp um in ka gel hiel puoi. Ahinla, nahun dawt ngal u leh dawnloh hiel chule thil kilawm hikittuon tin, mei kuong nasa tak thuok zing pumin, chawmkim cha'n hun gen mai ing ka. Ka kingaihtuoh-tuoh leh kei hih khawvel a mihing pieng cheng laka, a vangpha pente tih theih tawmchah umsunte lak a khat hi'n kaki ngaihtuoh hi. Aziiek chuh Isu kha tawh naicha a um khawm ka hih naziekin, tua

zietak a, meikuong laka, ka umpihte laka atam pen te hih Isu amuhloh chauh ule hiloin, a chanchin him him hile khatvei cha zakhalo, kuoma'n a kawm ua, Gawtmun leh Vangam thule ahilh khak loh ngente'u ahi. Kei vang Hukdampa Isu tawh naicha a, kiho pha thei dinga um khawm kha kahi a, Kross a, A thih ni a, migilo nih kikhenden-te laka aveilam a pa kha ka hi.

Isu Khendentu, Juda hotute leh Thiempu Lien te, "Nang Pathien mitel, Krista nahih leh, nang leh nang kihukdam inla, Judate leng

# KA DUHTHISAM HUN GEN ING KA

*K. Siema,  
Tualbung Village,  
Mizoram.*

1. Thingtanga chengleh phai gam a cheng ESC sapchuohte kikhawp hun kibang theileh ut aum hi.
2. Kikhawp dak gitleh Conductor, Thugending, Upate chuleh Lapuitute a chieh masan pang leu ut aum hi.
3. 'Gen nawp hun' I tih sek uhuh titaloin 'Sapchuoht thuphuon' tin sangleu hing phana. Resolution ahuh loh leh Hetsakna dan him him chuh Sapchuoht Secretary khuta pieka, hun phuong mai ah tih hile phan a.
4. Conductor in thawhlawm dawlna ding in la, Thugenpa sapna ding in la leh hunkhak na dinga la sak hitaloin, "Pathien pahchakna ding in" tin La tel henla, athule sim dawh henla hileh phan a.
5. Khuong nih; khuongpi leh khuongneu neih hi henla, ngeih deuh deuh hihenla hileh ut aumhi. Khuong gi hoih in lasak asunuom hi. Akhet dan le zil thiem hileh ut aum mah mah mai hi.  
Khuong nih kituok tak kikhen chun lasak asunuom mah mah mai a mi asu hlim thei hi. Zieziekchun, khuongpi leh khuongneu git hoih deuh neih tei aphai. Ahin khuong hih diem ding, mawk khet put put dingle ei puoi. Zah bawl a diem din aphai.
6. Khuong nih khet dan hun gen mai mai ka. Azil chuh kei puoi, ahin ka hetdan hun zik ing ka. Solfa dan I sak tiengleh khuongpi chauh khet ding. Achum in lenkhawm La I sak tieng khuongpi leh khuongneu khet gel ding. La awihna mun ah khuongpi leh khuongneu a kibang khet ding ahia.  
**Etsakna ding in;** (1) 'Immanuel' I sak tieng khuongpi achum ding khuongneu khet loh ding. (2) 'Krista thisan lultak pawt chuh, Kei ding in a lul hi' Zie la hi awih ahuh ziekin khuongpi leh khuongneu akin-a khet gel ding. Awih tawp tak leh khuongpi le achum a khet kitding khuongneu chuh akhet dana khet kit ding. (3) 'Lauhna leh gitlohna apat, Ka thagau a chawl tai,' Khuongpi tawh khuongneu akibang a khet gel ding. Zie tawbang dan deuh in La dangle hithei ahi.

# GOOD FRIDAY

(Gen. 3:21; Mat.27:33; Lk.23:33; Isai 53:1-12)



- Rev. L. Sata

Pathien chatuon lemguot, athukzie gentheihloh, asan zie gen theih loh, A cha mangte hawldawkna dinga, A cha khat leng leng a hun sawlna ding lampi chuh 'Good Friday' kiti hi kalbi khat ahi. Pathien in mihing lampi mihingte hettheih dinga Lei leh Van a siem tunga ni sagih laka khat chuh Ziltawpni (Friday) hi ana hi ding ahi. Nidang hi Good tawh genzawm ana um puoi. Pathien mihinga ahungna (incarnation) ahuh bang in Pathien in mi mangthaite tatna ding leh gitloh khukpi apat a puohdawkna dinga Good Friday hi hung pieng ahi.

Thusim khat achun Good Friday hung um dan hi Thakau leh Tunpi kala thalik lai tak leh Good Friday hi hungtung sek ahi. Kristiente thusim achun Good Friday masang hin Isu limbawl ni, Palm Sunday tih min nei in ahungtung masa sek a, zie ni apata sim toh zel chun Thawhtanni, Thawhlehi, Nilaini, Ningani zawh in Ziltawpni hi hungtung ahi. Kristien hinkhuo a lutthuk zaw leh kulmut zawte chun "Lent" kiti hi guntakin a nit ua, Isu Krista pienna, limbawla a umna, migilote khuta matsaka a um leh Kross a khetden nunga, vuih a um leh thana pata a thawhkitni masang hi "Lent" ti'n ni 40 sung zie boruok achun a hinkhuo a mang sek ui. Anngawlhna, Pauchamna, Lasakkhawmna bang in a mang deuh ui. Himahleh, Sapchuoht khenkhat

or Kristien hinkhuo a lutthuk lo zaw deuhte chun amau dinmun tieng achun lung-awi tawh in akikawih ua, a khellama khantohna theih um haw chuh a ngaihsak khel khel puoh hi. Gingtute hi Thagau lama khangto zel dinga deih ahi zing ui. Thil khat um chuh Bible ahin Kalvari tih min chet hi ana um puoh a, amakna, alulna leh a lopina leh aphatchuomna, ngaih a umna haw hi upate tihdan in, lapi-late a chawih ahi. Tu a Bible kimanglai ahin ana um a, Luk 23:33 achun "Tichun, Kalvari a tih u chuh a tun phet un, taka chun Kross ah a khenden u a" tih ahi. "Aw Kalvari tang ana umlo hileh, ka thagau hi chatuona mangthai ding" ana tii. Gal a I et leh Kalvari tang hi luguh bang zieng dan ahi. Golgotha kiti hih Hebrai pau a "luguh mun" tihna ana hi. Jerusalem khawpi

panga um, Thugui chin dungzui in Adam ana kivuihna leh a luguh, a luhawm (skull) kimuhdawkna mun ahi a tiu hi. Zie tak mun, tizatum leh gimneihum tak a ngaih mun achun, Krista Kross a khetden ahi, a kitii (Mt. 27:33).

Joh. 1:29 achun, Johan in zie thu hi ana gen a, “Entiem u, Pathien Belamno, vannuoi gitloh lamangpa khuh” ana tii. Khawvel Gitloh lamang ding chun Kalvari tang a hawh malam ding chuh Pathien chatuon lemguot (plan and policy)

ana hi chawt mai hi. Good Friday hi Tatna Ni (Redemption or day of atonement) ana hi. A khut, A keng, A lu a liemna leh A naka thisan leh tui hung kiphidawkhah migilo, miphalo, mithulim lo, kei leh nang hinna lampi ana hi. Na hetchet chun zie hi nang la le hiding ahi.

*Kipak lo thei kei puoi,  
Kipak lo thei kei puoi;  
Hukdampa na Nak liem,  
Tatna thisan pawtna;  
Et in nei tat dan hi,  
Ana ka sa taluoi”*

KRISTA THAWHKITNA  
ZIEKA HAMPHATNA

- Upa Paozalun

Chun, Krista khah kaihtawha a um loh chun, na ginchak u chuh bangmahlo hi’n tin, gitloh a mangthai zing hin lau. Khuti ahih chun, Krista a ana thisate kha, beimang hitan au.(1Korinth 15:17)

Sawlchak Paul mah in Ephesi gingtute kawm a, ka hun paucham sak sekna ziek khat chu mithi laka pat Pathien in a chapa a kaihtawhna apat hetding tamtak

na het theihna ding un ahi, ati (Ephesi 1:18-20).

La phuoktu khat in “I vang nei ngei, Pathien cha hidinga Krista’n ei min vawh hi” (LLK No. 94)

Krista kaihtawha aumna ziekin Pathien le akipak mah mah hi. Tuni hin Ka chapa na hi ie, tuni hin Ka hun hin na hi, ati. (Hebrai 1:6-7)

Time allotted:

- \* Topic genna - 20 Minutes
- \* Speaker - 40 Minutes
- \* Seminar - 60 Minutes

Lapawl khuo 6 apat ngaihnawp um tak tak leh solo mi 5, duet group 1, male voice goup 2 leh adang dang ngaihthak ahi a, Bible chang genna khatvei aum hi. Amun ding amasa a guot masak na mun chuh ESC Secretariat Compound himahleh, lemchang zaw dinga het ahih zieka, amun chawn ahi. Worship Team ten ma apui ua, Usherten kitup takin na asem ua; Thugente, Resource persons leh Topic Genna neiten amau a dinga hun kiguot sungin, achien theipen, aphachuom thei ding pen in hun amang ua, mipi tele, khawp manlo dingin hun amang thiem ua, mipi leh lawiupa chuom chuom ten akipah pih ua, alawkpah mah mah ui tih het ahi.

Zie Synod Conference hih alawhtit nading gelna ziekin Executive Committee phasakna guolin, Organizing Committee siem ahi, ziete chunle kipiezo takin pan alau a, Hall sak ngailo in, Synod Hq. KKP te malaknan, Ho-In mai siem ahi.

Conference Thupi dinga tel dawkhah- “**Family Transformation**” thu hih, Transform World Convention, Bangkok, Thailand a Rev. T. Kampu leh Rev. Thangkhoiem avatel nau a pata Pathien in a lungthim ua, ngaih khawkhaw apiek apat, zie thupi pawimawh tak hih hung(pawt) kipan ahi.

I gam leh nam, sapchuom siemphat nadinga pawimawh pen leh Pathien na I sepnau a dinga le hetngilh ngeiloh ding thupi mantamtak mangin hun diktak a mat zawh ahi tai. Khawmpi (Conference) atel ten nuom asau a, lawkna tamtak tawh akipah zie teu leh lopi asak zieteu gen zing pumin Synod Conference 2017 matzawh ahi tai. Kinepna khel lama, Conference lawhting taka ei mat zawh saka, vangsakna tampi tawh ei kikhen sak Van Pathien min lopi avel-avel in pahchakin um zing taken.

Synod Conference-2017  
Organizing Committee

## SYNOD CONFERENCE - 2017 REPORT

Lalpa thagau pawlna leh avangsakna tamtak changin, Synod Conference 2017 programme lawhting taka mat zawh ahitai. Halleluija! Amin lopi pahchakin um hen.

Synod Conference hih ESC Annual Council leh Executive Committee te phasakna dungzui in term khat (kum li) sunga vaihawmna telloa, khatvei bek mat ding tih ahih ziekin, tua term sung (2014-2017) a dinga anuoi abang ahi mat ana hii;

Duration	: 23-26 March, 2017
Vanue	: Synod Hq. Church, Chiengkawnpang
Thupi	: Family Transformation (Isai 38:1)
Khawmpi hawna	: Upa Th. Mangngul
Khawmpi Khakna	: Rev. Khaigin Gangte
Speaker	: (1) Rev. K. Siemlien (2) Rev. Thangkhosiem (3) Pastor Khailalsiam (4) Rev. T. Kampu (5) Evan Paukhomang
Resource Persons	: (1) Rev. Thangkhosiem (2) Mrs. Hawihphal (3) Rev. T. Kampu
Topic Genna	: (1) Upa Dr. L.S. Gangte (2) Pu S. Thienlaljoy (MCS) (3) Pu Siempee S. Gangte (4) Rev. L. Sata (5) Rev. Henkholien

Mipi kikhawm zat : 1500 vel

Khawmpi a chiekhawmte khuo 40 apat ahiu a, registratioin bawl chuh mi-145 chauh ahi.

Mun khen khat achun Isu Krista hi lei kisiem ma peka Chapa ana hi mahleh, tuni'n Ka chapa na hi, ka hun hin na hi a vak tih thak hi A kipahna kam pau ahi tin ka lai.

Kei chanchin le tawmcha vak gen leng, Sawrkarna ka sep tungin lawh le atam puoha Rs. 500/- chauh ka lawha. Lawh ka lak masak pen chung achun Rs. 400/- hi Imphal apatin ka in ah lawh thak dingin ka chieh a, ka pa chu ka lawhlak masakpen Rs. 400/- chu ka vak piek leh ka pa kipak ta luon, "Tuni hin chapa nei ka hi tih ka hei." atii. A kipak mah mah hi. Zieguol hin Pathien in Isu Krista mithi lak apat kaihthawha umin a kipak a, "Tuni'n ka hun hin na hi. Ka chapa na hi." A ti tai. Chuleh, min lak lak a min chung nungpen le A piei. Mi cheng cheng le A masanga khupdin un tin, lei tin cheng inle Isu Krista hi LAL ahi tiu un tin, Pa Pathien lopina dingin phuon un au, ati ahi. (Phil. 2:9-11)

Tuhin Lalpa Isu thawhkitna zieka I hamphatnau tamlo hun gen ka.

(1) **Gensaktu/genpihtu muon umtak I nei ui:** I haksatna, I buoina a ei panpih dinga Government minister khat

ei genpih thei I neih lebawn I kipak a, I lawhtinnate ah I gen viel sek hi. Pathien kawma ei gensaktu, ei genpihtu dingin Pathien in a kaihthawh zawhin Van ah A changlam ah a chut sak ta a, tih I muu ahi (Rom 8:34). Thiempu lien, I hatlohnau ei het pih a ei khuotuoh thei tak mai neile I hui hi (Hebrai 4:15).

(2) **Thawhkitna:** Lalpa Isu Krista thawhkitna ziekin ei ule tho kit ding I hui a. A lopina gama um dinga kaihthawha um ding I hui ui, tih le ei hetsak ahi. (1 Korinth 15:50-54)

Than muna tawp zieng ding I hi puou. Lopitak a kaihthawh a um ding I hui ui.

(3) **Kinepna thatlawp um:** Gingtute dinga thatlawp um mah mah khat chu, I lamkaipenpa chu lalnate, thuneihnate, vaihawmnate amah kawma piek ahih ziekin, khawvel leh van ah thunei pen, bangkim hi Amah thu vek a um ahi. Amah a I nget phawt u chuh, Ama'n ei piethei ahi.

Gamsung Sawrkar kivaihawmna tieng hile Amah khuta um ahi. Amah phalsakna bangzel in, Sawrkar hi ading in apuk hi.

Congress sawrkar hi kum 15 a lal nung un, Pathien in alak sak a, BJP a kawlsak tai. BJP tenle Amah lung atuok loh tieng leh adang hung lal ding ahi. Abul hi I Lalpau Isu khuta um ahi.

Taksa a mimal, inkuon, nam khantouh, dindawk, puktha I tih haw hile I Lalpau Isu khuta Pathien in akawih ahi tih I het uh apawimawh hi.

*“To us a son is born, the government will be on his shoulders.” (Isaiah 9:6)*

(4) **A thagau thilhihtheihna:** Gingtute laka A thagau thil hihtheihna hile Pathien in A chapa mithi laka pat A kaihthawh zawha Van a Pa changlam a A chutsak nunga gingtute chung a thagau thil hihtheihna nasat ziete hi I het ding ua Sawlchak Paul pauchamna khat ahi. Gingtu tamtakin Thagau Thiengtho thilhihtheihna achang ua,

mangthai ding tamtak Krista kawm ah a puilut ua, damlo tamtak in damna amuu a, chagah/gentheih tamtak in hauhsakna le amuu ui.

Kristiente kinepna ataka sukbutinna chuh, Isu Krista taksaa, mithi lak apat athawh kitna ahin abukim tai. Tu damsung mai a dinga, Krista chung a kinepna nei I hih u chun, mi cheng cheng laka mi lungsiet umpen hiitiu. Himahlele, Krista chuh mithi laka pat kaihthawh in aum hitih hi thudik ahi a, mithite thawh mapuipa ahung hitai. ( 1 Korinth 15:19,20)

Isu Krista, thawhkitna mapuipa, thihna’n atukzawh loh, Pathien thil hihtheihna zieka, thihna apat a a kaihthawhna, thil hihtheihna chang dingin, Lalpa’n simtute cheng cheng ei umpih zing tau hen.

**“No family is perfect; we argue, we fight, we even stop talking to each other at times. But in the end, family is family, the love will always be there.”**

Saul in an angawlh lai un, Thagau thiengtho in “Barnabas leh Saul hi ka sap lawhpen hih dingin ei guot chuom sak un” ati a. Kutichun an angawl ua, a paucham zawh un, achung uah a khut angaua a sawldawk tau hi.

Matthew 25: 35-36, Mark 1:12, 13; 2:18; 9:14-15, Luke 5: 33-35, Matthew 4: 1-11, Luke 4: 1-13, Mark 9: 28-29. Ziehaw ahin Anngawl a Paucham chung chang, Anngawlhna gahte agen a, thitha nawhdawk theihna ding inle apawimawh hi tih Isu ngei in ana gen haw leh amah ngei inle ni 40 leh zan 40 an a ngawlh thu i muu ahi. Taksa anngawl peihlo te chun lunggil anle angawl ngei puoi.

Matthew 5: 6 na a, ‘diktatna

zieka gilkiel a dangchakte anavak ui, hungtai ding ahingal un.’ Taksa An ngawlhna chun, lunggil in an angawl a, lunggil a an ngawlhna chuh diktakna’n adim hi. Diktatna hinkhuo, Paul in kei u chuh Krista lungthim pu atih guoltak, neihna ding in diktakna ah agil a kiel a, zie tawbanga anngawlte chuh thagau lam leh taksa ah suk kipah in aum sek ui.

Zie tawbang chang ding chun Lalpa zal a diktakna a gil kiel, kingainiem, suok hinkhuo guol a lunggil a anngawlte kawm ah Lalpa a kiphuong a, akilak a, a mapuih a, a thamuon a, a hihhat a, a silhlechen in a thuom sek hi. Mi chapote chu Lalpa’n apaihtha sek ahi.

Lalpa’n athu vangsak taken.

**LALAKKHAWM SUKTHAK NGAI**

Lalakkhawm Bu hih abeih tak ziekin, sukthak(reprint) dinga lemguot ahi. Sukthak ahiah maa sukdik dinga pawimawh a I het uh aum leh hun lakhawma April thasung ngeia Executive Director khut a hun pielut dinga nget leh hetsak I hui.

Dated: ESC Secretariat,  
The 23<sup>rd</sup> March, 2017

  
(Executive Director)  
Evangelical Synod Church

Abraham Lincoln in 1861 kum September tha'n kingainiem a Anngawl Pauchamna, a gam pumpi huop in a bawl kit a, tuni tieng hin khawvel mun chuom chuom a Missionary sawldawk tampen ahi a, zehi a gam hauhsakna leh minthanna ahi tih hetdawk ahi.

Kum 2011 khan, Fiji gam chun sietna nasatak ana tuok a, a gam a lui tuite akang nasa mah mah a, thai hing atawm a, a lungkham mah mah tau a, zelai chun, anngawl a gitloh thupha chawihna paucham-guolna, a gam pumpi huop in Methodist Pastor in amapuih a, tichun agam u chu sukdam in aum kit ta ahi.

Mizoram ale 2006 -2012 sung cheng kha a gam a dingin Anngawl a Pauchamna neih ahih ziekin tuni chan hin Pathien zahngaihna adawngto zel ahi.

Anngawlh dan hih aki bangpuo a, khenkhat in ni kimkhat, zingkal lam anngawl aum a, khenkhat nitak lam angawl aum a, zingkal leh nitak a anngawl le aum kit a. Chun, khenkhat tui nasan dawnlo le aum a, thingpi leh nektheih nele aum zel hi.

Chun, Anngawlh hin sung nat, bupi nat apuong hi ti bang aum a, ziehi i thiemtheih loh ziek ahi. Zing lam a angawlh sang in, nitak lam hih ni kimkhat chauh ngawlte din aphazawi. Anngawl I hih chun, an I nek kit ding tiengleh thakhat a vah tak a nek zieng loh ding, an nem, awl deuh a tamlo cha cha a I nek phawt chun, bangmah akhawk puo a, bupi ading inle apha.

Mithiemte gendan vangin, ni thum tieng an i hun ngawlh ahih chun, i thisan hi ahung kha a, ziechu i taksa a natnahik haw hin ahaw a, natnahik athih lawh a, hiselna a dingin thil phatak ahi atiu.

Bible a Luke 2: 36-38 achun, "Meithai khat kum 84 zet mi I mu a, Pathien Ho-in taihsanlo in an a ngawl a, tih i muu ahi. Pathien a ding chun ngaihsak loh theih loh chu ahi maw!

Hebrew 12:4 chun, 'suol do in thisan pawt khawp in, na pang puou a' ati. Thisan siemtu leh tamsaktu chuh i an nek hih ahi a, Anngawl a Paucham a, Pathien ho tih hi suol dona thisan pawt, atih hi hitho ahi.

Acts 13:2,3 Barnabas leh

## GINGTUTE THIHNA



- Evan. (Rtd) Lamzagin

Thihna hi chinih a um hi; **Gingtu thihna** leh **ginglote thihna**. Zie thihna chinih hi thihna gel gel ahi. Himahleh, kibatlohna lientak aum; Ginglote thihna chuh, lauhumna apat lauhumna a lut ahi. Gingtute thihna chuh lauhumna akipat a muonna a lut ahi. Gingtute thihna hi mifel thihna a gen ana hi. Ginglo mi thihna tawh akibat loh ziekin, ginglo zawlnei Balam in "Midiktat thihna bangin ei thihsak inla, chun katawpna chuh amah atawbang chu hihen." Tin agen hi. Kisimna 23:10 chun, gingtu mifel thihdan gen chet dan lam tam tak aum hi. Zie haw lak achun lampi nga chauh gen hi tiu.

1. **IPMU:** Gingtu chu athi hilo in a ipmu ahi; Thuthunthak ahin ipmu tih hi sawm leh giet vei genlat ahi. Zie a sawmlelite chu thihna a ipmu genna ahi. Lazar athihkhan Isu'n "I lawipau Lazarus chu a ipmu ta a, a ipmu phawng dingin chieh ding ka hi." a tia (Johan 11:11). Judaten Stephan suonga aseh lup u khan, "A impu tai," tin gen ahi (Nasepte 7:60). Chun, Paul in gingtu thite chuh; Isu a ipmu," tin ana gen hi. (Thessolonika 4:14)

Ihmutna hi vangsakna lopitak ahi. Nuom taka mi a ihmut chun, ataksa leh lungthim a chawldam a, zieziekchun, lei a sepgimna leh natna laka chawldamna ei siem sak tu ahi. Chun, Van akipatin aw khatin, "Hitihin zik ah; tua kipat hin mithi, Lalpa a thite chuh

*mihampha ahiu hi," "Thagau in ahi, a sepgimnateu chu chawlh-san in, athil hihteu chun hun zui ding ahi ngala ati ie,"* tih ka za a (Thuphuon 14:13).

Chun, tunung a mithi, Lalpa a thite chuh ana-vak un au. Thagau in a sepgimna teu chuh chawlh-san au. Tin ana zik hi. Chun, zana nuomtaka ka ihmut chun, azing chun nuomtaka in hun ei mat saka, kipaktak in ei umsak sek hi. Chun, thihna a ihmutna chun azing, khawvel thaka cheng dingin ei siem thaka, zie khawvel a ka natna leh ka puokgik cheng cheng leh mitthitui luonna cheng cheng ei suk tawpsak vek tai. Vangphat a umna mai zen e, ka gen Isu thihna chuh ihmutna a chan sak tai, Halleluiah! Amen.

2. **HINTHAK NEIHNA:**

Thaichi hin, hinna thak aneihna dingin, athih/amuot angai hi. Zieguol mah chun, hinna thak, thagau lam hinna, mihing tel lo hinna, ka neih theihna'n ka taksa hi athih apawimawh ahi. Chun, amuot mangle apawimawh hi. Gingtu taksa athih zawh zawh hin, hinna thak deih um leh hinna thak kipah um, haksatna himhim in asukkhak phak tak loh chuh akipan zieng ngal ahi (1 Korinth 15:36-37).

3. **SUOHCHAKNA:**

Israel te Aigupta suoka atan bang u khan, ei uh mihingte hi Setan thihna suoka tang I hui hi. Khuovel buoina leh haksaktna chitin chengin ei um kimvel hin, kipahna zingle akimukha puoi. Gingtu hihenla ginglotu hihenla taksa a I um sung hin, thihna leh apuihuoi natna, haksatna, lungmuonlouna leh adang dang suok ah akitang hi. Gingtu a hung thih hin chuh a tanna mun apat pawt ahi. Gingtu chuh Lalpa'n khawpi asiem zuon in a chieh ei tai. Chun, kah loh theih loh, lungkham loh theihloh himahleh akipak um mah mah mai khat chuh, *"Thih lauh zieka damsung suok a um cheng chengte chuh a hukdawk theihna dingin,"* (Heb 2:15). *"Suok hilo dinga Krista'n ei pawtsak tâk ziekin, ding det unla suok namkawl a chun tâng kit ta kiu!"* (Gal 5:1).

4. **I PHATNA DING UH**

**AHI:** Gingtu thihna chu athi leh mihing kuote ading ahim in aphantna ding uh ahi. Pathien thu chun, *"Ka phatna ding un bangkim ei hihsak."* a tia. *"Bangkim nangmau phatna ding ahi."* a ti ngala. Chun, Pathien hehpihte, Amah guot guola a sapte ding chun, a phatna dingun bang cheng a sepsak sek hi tih I heu a; Zie thil bang cheng hi nangmau haw phatna ding ahi a (Rom 8:28). Chun, Pathien hehpihna chuh mi tam zawsem chung a sukpuona aum guol zelin, Pathien lopina dingin, kipahthu nasa zawsem in gen un au. Zieziek tak hin ka lungkie puou hi. Ka phehlevo sapum u hi sie tiltil mahleh, ka thagau lam hinnau vang, ni chengin siemthak in a um zel ahi. (2 Ko 4:15-16)

Chun, mithi inkuote adingin thihna hi taksa leh thagau ei suchingtu a hisek hi. Taksalam ah midangte thuokpih thiemna, Pathien thagau thamuontu, belhtak ahieh zie het thiemna ei neihsak hi.

Ziechun, thagau lam ah eipui in thihna haksat ziekin Kross a Isumûn mi tamtak chuh apienthak lawh zel ui. Lehkha ziktu khatin *"Kipakna tawh ka zin khawma lampi tawn tung in anui gi-hawk hawk a, himahleh atawp ka hung tun chun, ama apata zilding puok dawking bangmah a umpuoi, hetbeh ding le a umdiek puoi.* Chun, gimtheihna

ahipuo a, lunggil a anngawlh ahi zawi tin, Joel 2:12-14 in na puon uh hilo in, na lunggil uh bawtthek unla, atih hi pansan in agen sek ui.

Ahinlah, guntak a I et det det ahieh chun, tawbang a ngaihdan neite leh thugen sekte hi paucham tawm, paucham tamlo tihna ahi.

Joel 2: 12-14, Isai 58:3-7 a Anngawlh dan diktak atih haw hih, guntak a I sim chun, lunggil a anngawlh tak tak nading chun taksa anngawl a, kingainiem tak a Pathien thagau a hatna thuguk/nak chuh Anngawl Pauchamna hi ahi. Mi chapoten ahieh peih ngei puou a, Pathien aw le aza tawm ua, amau ngaihdan chawuh in thu agen sek ui. Pathien thagau puihuoina tak tak achang ngei puou. Mi kingainiemten suok hinkhuo, suok dinmun apatin anngawl pauchamna'n Pathien apawl sek ui. Lalpa puihuoina achang ua, Lalpa'n athuguk ahetsak sek hi.

1. Anngawl a kingainiem a, suok tawbang hinkhuo apat a Pauchamna chun kingaihniemna hinkhuo asiem hi.
2. Tih tak tak a nasep utna anei sek hi.

3. Aginna suk hat in aum sek.
4. Thuokhatna leh kuhkalna a tawmngaihna tak tak aneih sak hi.
5. Thagau thiengtho nasep dan ahetsak a, thagau lamthil dik hetheihna ah apui sek hi.
6. Chanchinpha nasepna a, tawmngaihna tak tak aneih sak hi.
7. Pauchamna tak tak, thukzaw leh gilzaw ah apuilut sek a, thil hihtheihna a thuom in aum sek hi.
8. Mahni kithununna, diktatna leh kingaihniemna aneih sak hi.

Kingaihniemna hinkhuo ataksap takleh thagau thiengtho in, I hinna ah na asem theilo ahi. Tulai a khawvel a gam changkang leh hausapen a I het uh America gam khu bangziek ahim? tih mi, thil suitute'n asuihdawk dan uleh a muhdawk u chuh ziehi ahi;

Bristish te khut apat 1776 kum in USA ading in zalenna (independent) ana muu a, George Washinton chu zie hun a President chu ahi, 1795 February, 15 ni chun, agam pumpi ah, kingainiem a anngawl a Paucham Ni'n aphuong a, a paucham uh ahi.

hun tawplo luoh untin, Lalpa ngaihdamna changten le chatuon mang tan au.

Tuni tieng hin mi bangzah taphet hi kisik manloa ngaihdam changloa hinna ch n aum ding u aw? Haksatna, dahna hun tawplo muna lut dingin Lalpa'n kuomah cha aphal puoi. Tuhin Lal Isu chu zuon ngal uo. Mahni ngaihdana niel niel chi ahipuoi. Nangmah thiem nakichan sangin Lalpa'n thiem hun chan leh na kipahna tawplo ding ahi.

Eimah thiem kichan hi atawpa lungkhamna ding mai ahi. Isun gilo a lungsiet kiti hi migilo kisikte a lungsiet hi tih na ahia, gilo kisiklo

lungsiet tihna ei puoi. Tua lung na gel theih laitak hi KISIK HUN chu ahi.

Mihingte dinga hun pawimawh pen thu - 'TU' (Now) hi ahi. Hun chiehsa sapkit theihloh hun hung tung ding het theihloh ahi. Laphuok tun **“Tukhel kumza nung leh khawiah na um dem”** tu hi tel phat ahi. **“Aw hun kikhelsak kin”** tin ei hilh ui. Tuhun a bangmah ngaihsaklote hin ahun hetdawk tiengu leh hun kikhel tan tin **VAIGEI TALUOTANA.**

Hunpha mansak khela kisik ding aum puoi, **“Miglo khat kisik vangin van mipi akipak ui”.**

**“TUHIN NA LUNGHEI INLA HUKDAM IN UM IN”**

## ANNGAWL PAUCHAM

- Upa Th. Manggul  
Chairman, ESC

Thutak Tlangau a Gospel monthly October 2016 tha a Lalringliana thusuoh apat laksawn.

Kristien hinkhuo ah hin sep ding leh hih ding tampi aum a, chun Bible hi I et leh atak leh ali mugil tung ding chun ann ngawla theihtawp suoha paucham hi lawhtitna ahi a. Bible thu saite leh ana experience te thusuoh ahi Chamna Aw laten ana sim ua aphatchuom pih uh deihna zieka hun kisuoh ahi.

Anngawl Paucham hi a pawimawh a, Bible ale akimu a, ahin thagau hukdam piengthak hitangal, lunggil, taksa damna hawl na ziekin, Anngawl Pauchamna hi ana ngain p ua, an p zawngin ana gen sek ua, gilkiel a paucham sangin, vahtak a paucham ka ut zawi tih bangin agen sek ua, amau chun, taksa an ngawlh lam

tawh ka zin khawm ua leh, amah chuh athip hiet hiet a, zinpih anuom puoh mah mah mai hi. Mahleh, atawp ka vak tun u chun, amah dingin thihna hi I phatna ding u ahi. Thihna hi I ngaihtuoh tak tak chun, ei mah phatna ding na-na nan chuh, ka kahpih pih sek hi, amak ta luoi tih loh theih ei puoi. Thihna hi haksatna apat a nawpna tung ding I hih ziekin I kipak zawk ding ahi.

5. **IN LUI APAT IN THAK LUOH:** Ka lei taksa bang mah lomai leh phatna neilo hiel hi, ka thagau chunna In mai ahi. I umnau lei In hi kiphie mahlele, Van ah in, khuta sak loh, kumsawt a um ding, Pathien kawm apat In det chuh I nei hi tih I he ng l u a (2 Korinth 5:1). In sietak bangmah lo sie zieng thei luoh ka hi, ka thih tieng ka chenna lui ka taksa sie thei chuh taihsan in, Van a In khuta sak loh mawi leh

lopi kumsawt aum ding chuh I luoh ding uh ahi. (John 14:1-3)

Chun, ka chenna In lui (taksa) chu leia siem ahi a, lei chuh lei mah ah vaikit ding ahi. Leivui mah chang kit ding ahi. Kei mah thagau vang chuh a siempa kawm ah vaikit ding ahi. Thagau lam taksa nei in chieh dawk intin, In thak kumsawt In khut a sak loh chuh luoh ta ding I hiu hi. Zie muot thei hin, muot theih lohna a silh ding ahi a, zie thitheih hin le, thih theih lohna a silh ding ahi (1Co 15:53).

Chun, a lak uh a mi tamtak leivui a ipmusate chuh hung khanglo un tin, khenkhat chuh kumsawt hinna chang dingin, khenkhat chuh zahch kna leh kumsawt muhsitna chang dingin hung tho kit un au (Dan 12:2).

Lalpa'n simtute vangsak chiet taken.

**“Having somewhere to go is HOME  
Having someone to love is FAMILY  
Having both is a BLESSING”**

**“Home is where you are LOVED  
The most and act the WORST”**

# ISU HUNLAI A DANTE



- Evan. Paukhomang Gangte

Tukum Good Friday leh Easter Sunday hun ahung hih tawh kitawn in, anuoia Judate dan haw hi ana en leh chun:

## ISU HUNLAIA SANHEDRIN

**BYLAW:** Judate vaihawmna sangpen Sanhedrin member chu 70 ahiu a, President chu Thiempu lienpen ahi a,a mah pum in member 71 ahiu hi. Dan haw chuh:

1. Migilo dan bawhsiete chung thu chuh sun a ngaihtuoh ding ahi a, ani mah mah a thupukna siem ngal ding.
2. Migilote chung thu chuh Chiehkan Kut hunlai haw a ngaihtuoh loh ding.
3. Migilo thiemloh chansak ahih ni a kipat hun awng (gap) pie lo a, gawt ngeiloh, aziek chuh lungsietu amah gensak ding aum khak leh tih gelna ahi.
4. Vaihawmna mun (court) "Hall of Hewn Stone" Temple sung tihloh a vai

kihawm a thu kitan him him chuh thu tinga pawm theihloh.

5. Thiemloh chang migilo gawt ding him him chuh hetpih nih tieng bek a um tei ding.
6. Hetpihtu diklo matdawk ahih ngei ngei chun, a gilo pa sika amah thah ding.
7. Migilo thiemmawh changa phuondawk ahih masang a a ding gensak ding mi aum chun hun piek ngei ngei ding.
8. Migilo gawt ding ahih ni chan in, vaihawmte lak a khat sakawl chung chuong in tin a kikhailum ding pa gensak thei ding na um um, tia khawlai a tang a sap naklai ding.

ISU HUNLAI A MIGILOTE  
CHUNG THU NGAIHTUOH  
DAN:

# KISIK HUN AKIKHEL THEI HI



Upa Dr.L.S.Gangte

**M**ihingte hin hinkhuo damsung hi taksa damlai banga mang zing zieng thei dinga kingaihna aum thei hi. Mahleh haksatna, damlohna leh buoina haw I maua tuok dinga eingak zing ahi. Damlaini liemzel hin hun tawpna lam zuon in ei pui zel ui tih het angai hi. Hinkhuo I mat dan uhi I hetthiem sek loh ziek un Mosi chun damlainite a siemthiem theihna ding Pathien kawmah angen hi (Sam 90:12). Amah hin mihing hinkhuo dengdel dan ahethiem mah mah hiding ahia, chitna lunggel neih lawh theihna dingin ana ngen hi.

Hinkhuo chawmzie chu I Peter 1:24, Isai 40:68 leh Jakob 1:10-11 ah I muthei ui. Thihna hung tun ding I hetloh dan u chu Thugenpa 9:12 ah chientakin akimui. Kuoma'n a thih hun ding ahepuoi tulai diek diek in thihna lungphawng phut atam tai. Damlo zalkhuna kuol ten le athih hun ding ahediek puoua, thi tei dinga akiginchak tieng uleh pautheilo, hophthieihloh ahitasek ui. Zie hun chuleh kisik thei le hitalo, kisik leule

bangmah semdawk theilo ahisek tau hi.

Kisik theih hun kikhel thei ahih hetna dingin Juda Iskariot leh mihausapa chanchin leh michagah Lazar thu ah akiethehi hi. Thil hihkhiehl Pathien deihloh lam bawla na kihet chun tuhin, tumah mah hin kisikin Lalpa kawmah ngaihdam ngen zieng in. Zie thu hi na sim Iai ahihlele Lalpa kawmah thupha chawi in angaihdamna ngen ngal in, hun ngaidam dingin ahun ngak zing hi. Ngaihdam lah neilo leh ngaidam nuom zing Lalpa chu lunggil takin sam ziengin aw? Dan leh dan leh, zing leh ahim kal kit ahim leh tihiehl kin. Dan leh tih hi Setan thepna ahi. Kisik manlo a na thagau gawtmuna puih a nawp zieka thepa um na hi. Pu Zawmpau la phuok – "Khawvel Pathien tam mah lele tih laa chang 3 naa" Beimang Pathien nunsepa chun a sepleh a kipahna pen chuh thagau gehena puihiut hi ahi, atii.

Zeziekchun, kisik manlo ngaihdam chanloh khak ding hi lauh-um pen ahi. Gawtmuna umten le chatuon

tawtbawlina a matlohding, namang sek em?

- Mi-Inchen, neihleh lama tasamte musita nuoisieh taka holohding na hosek em?
- Nang phasak dan tieng chauh tunga, tangden na him?
- Nangmai kithawlina lampia Krista nungzu/Pathien nasem, na him?

Thokit Krista hin kuomah khenchuom anei puoha, alungsiet dan akibang veka, kuomah hetphakloh daikilkala um Mari Magdalini, athawhkitna thu genmasa dingin, asit/ahawmthawh puoha, ei un vang, sapchuom nasemtu dingin deihchuom bik deuh I nei sek uh ahi die aw!

Sinsak sawmlenih(12) te chauh thawhkit nathu gen ahi puou hi tih Bible apat I hethei ui. Chanchinpha gen dingin Lalpa'n amah hehpiha, athupiek zuia, A nasem nuomte adeih

ahi. Migilo kisika Amah beltute Anasem dinga mang nuom zing ahih ziek in, anungzui a, nichenga Kross kiput a, angaihdamna/ahukdamna Chanchinpha thu ahenailote kienga gensawntu hi dingin kingaihtuohin panthak lai tiu.

Thokit Krista, galzopa hih ngaihdamna lungsietna hau, tinglo, taklote anasem dinga manga, agalzawhna alopina phuonga, gensiet, muhsit, engbawlina lak ale malama chiehzet dingin thahatna, hansanna thak Lalpa'n eipie chiet taken.

*“Kristien thadah I tam taluou a, Sapchuom khanlet nading adep hi/adal hi.”*

- Dr. Sam T. Kamaleson

*“Mitdukte'n nang ahun mutheih nau chuh hehpihna lunggil leh na nasep ah ahi.”*

- Corie Tenboom

**“A house is built by hands, but a home is built by Heart”**

**“Family means no one gets left behind or forgotten.” - David Ogden Striers**

1. Thubuoi him him (Office hour) chu zing dak 10 – 4 p.m. chan tihloh a court kaih ngei loh.
2. Dan bawhsie migilo chuh ni khat anngawlh sak phawt a, azawh leh thiemloh chansak ham ding.
3. Thiemloh chansak ahih ni mah a thah ngeiloh, ni khat zawh leh khatvei a chungthu khuol kit naklai ding.

**ISU HUNLAI A MITHI VUIH DAN:**

1. Mithi chuh a nuk atan tan leh tui a sil ding, azawh leh puon a tuom ding, a khut a keng a chuom a tuom ding, gimlim le nuh theih (John 11:44)
2. Vuih dinga mithi than lama a zawn tieng uleh, thi sun ding leh kap dinga kiguo numeite amasa pena kizawt ding (Eden apat thihna tuntu ahih ziek). Aban ah thiluong zawnte, aban kit ah khawsung mi leh thisun dinga mun chuom chuoma pat hungte.
3. Bible hunlaila thisun dan chuh ahihleh, mi a thih tieng a kivuihdawk ma cheng, lusun insung mite'n an a ngawlh ding uh, a kivuih zawh leh an leh tui ne a

guolvakna bawl theih. (Jer. 16:7-8)

4. Thihni chuh kipahni hilo in, lungngaih ni ahi. Zie ni hin kah hi akilawm hi. A kap ding mi a thalak sek ui. Kah la thiemtak tak gawih ding aum ui (Jer. 9:17; Amos 5:16). A kivuih ma cheng Insung mi hileh a lainate a kap thei thei in a kah sek ui (Mika 1:8).

**JUDATE KIVUIH DAN:**

Malai Israelte chuh a sakhuo dan dungzui un, kivuih thawh ahiu hi. Zieziekchun, public/private than achuom a kineih le aum ui.

1. Abraham, Isak, Jakob leh a ziteu cheng le a kivui chiet ahiu ui (Gen. 49:31; 50:13).
2. Inkuon kivuihna ding nei chuom aum ui (Judge 8:32).
3. Lengte leh zawlneite chauh khawpi sung ah a kivui ui (I Sam.25:1; I King 2:10).
4. Gimthei chagahte chuh khawpi pawlam ah thanmuol achuom in a pieu hi (Lk.7:11-12).

**ISU HUNLAIA ROMAN GOVERNOR TE QUALIFICATION:**

1. Roman Governor chuh kum 27 chunglam ahih tei tei ding.
2. Sepaih lam ah Commanding

Officer tieng bek ana hikha sa.

- 3. Khawtang a vaihawm dan thiem leh Office chin he, chuleh pilvang tak ahih ding.

**ROMAN GOVERNOR PILATE LEH JUDATE KIMUHDAHNA ZIEK:**

Nidanglai in Rome te'n Flag puon a kisiem amang puou a, zie sang chun, mawlh amuk a mupi lim leh Emperor lim kitak a mang sek ui. Judai gama Governor dangte'n milim Judate'n a deih loh ziek un, Jerusalem a lut ding tieng uleh tiengkhut mawnga mupi leh kumpi lim kitak chuh a latha sek ui. Governor Pilat in hesa sa a latha lo a Jerusalem a lut sek ziekin, a mudah mah mah ua, a hek theihna ding a hawl hawl sek ui.

**ISU CHUNG THU GOVERNOR PILAT IN LENG CLAUDIUS KIENG A REPORT A BAWLNA:-**

Leng Lopi Claudius chibai.

Pu,

Tu naicha khan mi khat kei ngei in a chungthu ka na vaihawmsak thu hun hilh ding

ka nei hi. Judate amau ki-itthik tuohna ziek in a kithat uh ahi. Zie pa chun a chipihte chuh a gitlohna ziek ua vaihawmna lauhum tak a tuok ding thu ana gen hi. Masang lai apata a pi leh puteu in Pathien mithiengtho leh diktak khat vaihawm dinga Van apat hung ding ahi tia ana gensau mah bang un, Judai gama Governor ka hih lai in amah chuh ahung ngei hi. Amah chun mitdukte mit a suvak a, phakte a suthieng a, a pientung a mitduk, kengbai leh zengte a sudam sek hi. Huihpi leh tuifawn nasan in a thu a awi ua, mithite a kaitho a, mihiem sunga thitha lutte nasan a nawhdawksek hi. Tuichung ale keng in lam a zawt thei a, thilmak tamtak a bawl le a mite'n a mu chiet ui. Mipite chun Pathien Chapa ahi ti lawi a um ui, mahleh Thiempute chun zadah in, hekna a bawl ua, ka kawm ah a hun pui ui. Ken le amau ngetna bang in ka zep a, a nawp nawp a lawh ding un ka piedawk hi. Migilo guol in, Cross ah a khenden ua, a vui ua, than veng ding sepaih a ngen ua, ken le sepaih ka pie a, ka vensak hi. A nithum ni a ka sepaihte'n a venlai un, ahung tho

**A THI KHAH, A THOKIT TAI**



- Rev. K. Siemlien

Kristian te I hamphatnau leh I chan uh lopi mah mah chuh, I ginchak uh Krista hih, thihnan atukzawh guol lohin, than apat athokit tai. Sakhuo dangah mithi thokit muhdung hetchet aumpuoi. Ahinla Isu Krista hih migilote dinga hungthi'n, A luong lading tasamloin, thauginlim nuhin aum a, patngat puona tuom ahi. Chun, kuomah kisiel ngeiloh na – ah Joseph than thakah sielin auma, nithum (3) nin galzoin thihna apat athokit tai. Muslim te leh Kristien gindan kalh, thohkitna gingchalote. Chun, Judate leh Rome sepaihte'n le a thokit puoi timahleu, Krista hih athawhkit melmu tute le A-aw zatute'n athohkit thu agen lang uh ahi. Mari Magdalini hin, “Ka Lalpa ka mutai’ tin anaphuong a. Chun, Emau lampia khuolzinte khanle anaphuong zak uh ahi. nangin thokit Lalpa namukhata? Ka muchien kei hi tia dawngthei mitampi um dingin ginchak aum hi. Hitihin vak en hitiu; Isu guola, A thihna a thi a, athawh na a thokit ngei dingin na kigingcha, na kihechien hi? Taksa thihna

chang ngal, lopitaka thokit talo hihtheih ahi. Isu Krista'n a thuoka athi a, thihnan tuzo loin than apat athokittai. Ziekchun, Isu gingcha taktakte adingin Amah zieka thuoka, thihna tieng hile thilhaksa hilo ding ahi.

Thokit Krista I muh chetnau zieguol hin ki enchien leuhing:

- 1. Thokit Krista ka muh masang sangin ka hangsan zaw nam? Gingu dawilawk Lalpa taihsan sek ka him?
- 2. Thawkna tello in Lallukhuk changpuoi ting uh, thawkna hih Kristiente'n I pumpelh ngeiloh dinguh ahi. Krista min ziekin chan nanei ta?
- 3. Mipha tenle, midangte phatna ding deihsak nazioka thuok ngam ngai ahih dan hetzing ahi. nang bang nathuok ngei tam?
  - Meithai chagah, panpih ding neilo te enkawlin panpih dingte napanpih dem?
  - Piendana guolphalote

theihna ding uh lampi, Pathien in aguotsak chuh ahi. Mahleh, kuomah a subuting zo aum puou hi.

Kuo tieng zou u henla, khat chauh na zou puou, atam zaw na zawh ziekin, ngaihdam theih nahi tih na aum diek puoi. Khat azawh louh chun, adang cheng chunle umzie anei diek puoi.

Ziehin a etsak chuh, mihiem thahatna leh nassep thil bawl ahih, Pathien suk lung kim mai chi ei puoi tih asulang hi. Zieziekchun, kuomah Pathien lungtuok leh, Pathien ngaihdamna chang zo aum tapuoi. Thuthunlui chuh, mite dinga chung gikna leh, haksatna asuok tai.

2. *Thugawlh Thak* 22:20

I sim leh Isu Krista matsaka aum ding zan a, asinsakte tawh, chieh kan ankuong nunung pen a umnau a, Isu kam suok ahi. Isu'n, **“Zie hi ka thisan a thugawlh thak chuh ahi”** ati. Pathien in a mi Israel chate hi a lungsieta, a lungnatna apata a suohchak theihna ding uh tin, suohchak theihna ding dan sawm (10) ana siemsaka, mahleh kuomah, thu zawp ziek leh, nasep zieka thiem changzo aum louh

ziekun. Ziechuh hen Isu Krista'n, **“Zie hi ka thisan a thugawlh thak chuh ahi”** ati. Nasep ziek leh, thil pha bawl ziek hi lo in, Kirsta'n dan chuh amah thisan in ahun thengta a, Krista thisan ziekin Pathien ngaihdamna I chang thei tau hi. Krista thisan chauh hi ahi, Pathien tawh ei kicham sak thei chuh.

*Thu Tawpna:*

Tulai hin gindan chuom chuom leh ngaihdamna chuom chuom atam ta a, thuthun mu bang leh, chang a kingaite tam tak aum ui. Mahleh, Bible a, Thuthun kimu um sun chuh; Krista'n **“Ziehi ka thisana Thuthun thak chuh ahi.”** tih khel hih Thuthun dang aum puoi. Pathien ngaihdamna I chan theihna leh Pathien kawm I tun theihna lampi um sun chuh, Krista Thisan chauh hi ahi. Krista thisan tel lou a, Pathien ngaihdamna channa ding umlou ahi. Zieziekchun, simtu deihtakte, Krista'n a thisan ngeia Thugawlh a hun siema, zie Thugawlh gingchate leh, pawmte chuh I hih ziek un, Isu kam suok hi amuon umin, ataksan um ahi. Lalpa'n simtute cheng vangsak taken.

**“Family is not an important thing, its everything.”**

kit hi. Than veng sepaihte kawm achun dangka a pieu a, Isu luong chuh a sinsakte'n a hung guk mang uh ahi tih sak di'n a zawl ui. Sepaihte'n dangka chuh la mahleu a thu chuh selguk theih hilo in, a hung thawhkit Judate ngei in, a muh thuu leh a sum lak uh a gendawk tho tho ui.

Zie thu hi Leng Lopi masang ah mi dang in thudiklo ahun

hilh masak khak ding uh lauhna ziekin leh Judate thugen ana gingchalo dinga ka hun hilh ahi, ti'n.

Tu chung Good Friday leh Easter Sunday mang cheng cheng thagau lam a piting a lamdiklo a mi'n ei bawl lai ale ana tuok masa Isu en kawm a thagau vangsakna chang chiet dingin Pathien in ei mat pih chiet tau hen.



- Thahpau

## JERUSALEM ELECTION

AD 37 in suongkul tang/kawltangte pawtdawkna/suohchakna dingin Jerusalem ah Judate'n election thupitak in anei ua, mi nih candidate ahiu hi; Barabbas chu khawpi sunga kiphinna ziek leh tuolthah zieka suongkul tang ahi (Luke 23:19). Isu Krista chu mitthipna zieka mata um ahi (Matthai 27:18). Presiding Officer, Pilat ahi a, Polling Officer; Thiempu Ana leh Kaiapha ahi. Barabbas Agent chu Thiempu leh Upate ahiu a Isu Krista agent chu asinsakte ahiu hi.

1. **Agent ginumlo Juda Iskariot chu:** Sinsakte laka chal-lang lawi Juda Iskariot chu treasurer ale pang ahi a, Isu ading a agent ginum tak hiding lai chu, Barabbas agent, Thiempu leh Lawiupaten dangka 30 in ana chaw dawk ua, Isu Krista chu ana mat sak ta a. Khuti mai chu hilo in Thiempu leh Upaten Barabbas apat sum bangzah anek uh ahi dem! Mipite chu Barabbas thahdawk dingin ana convince zo tau hi.

2. **Isu mata a umna:** Isu Krista agent, sinsakte chun la azui ngam tapuou a, alak uh a hangsan

pen Peter ahi a, Isu'n tuzan in nabawn un ka chung thu ah lung kimlo in um unlau atih lai in, Peter in akawm ah 'Abawn un lungkimlo in um mah leu, kei vang lung kimlo in um puong ka.' ati a. Zie zawh chawm khat hal chun, chemjam haw, khetbuk haw, chawi in, gucha leh suommang man ding guolin ahung uh a (John 18:10). Peter in chemjam azukdawka, Thiempu lienpen suok bil changlam asat thak saka, khutichun sepaihte tawh miman lawiupate chun Isu chu aman ua, akan ua, Thiempu lienpen Kaiapha in ah, Dan thuzikte leh Upa haw um khawmna achun apui ua, Peter in Thiempu Lienpen In umna huong sung tieng in a va zui a.

**3. Peter in akilep sanna:** Peter in, na thihna achun thi ding hilengle hun kizuk san puong ka timah leh Isu'n, tu zan in ak akhuon man nangin thum vei ei kizuk san inla atih guolin, Peter chu Thiempu lienpen in umna huong sung in-mai ah melmate mei lum ava awi a, Thiempu suokte lak akhat chun, nang hile huon akhan a kawm uah ka hun mu hilo ahim, alak ua mi ngei nahi atih lai in Peter akilep a, kizawm tet-tet in thum vei aki zuksan a, Isu'n a gensa guolin ak ahung khuong ngal tai. Chun,

zingkal matak in Thiempu liente chun dan-thu ziekte, upate leh vaihawm pawl cheng cheng chuh kintak in akimuhpih ua, Isu chuh akan ua, Pilat kawm ah apui dawk tau hi.

**4. Isu vaihawmna masanga adinna leh Cross a khetdena a umna:** (Matthai 27:15) Gam vaipuopa, Pilat chun Juda mipite kawm ah, "Dan khat na neih uh aum hi, Chiehkan Kut hun sunga suongkul tang khat ka hun thahdawk sak sek na hui hi. Zieziekchun, kuo pen hun thah dawk sak leng na nuom u?" ati a, Barabbas ahi die, Isu Krista atih uhuh? Ati a, amau haw chun, Barabbas atiu a, Pilat in akawm uah "Isu Krista atih uhuh bang ka lawh die leh?" ati a. Mipi cheng cheng chun kiguolin "Athisan mawh chu kei haw leh ka chateu chung ah umhen, tin ngeihtak in akiko ua."

Awle, AD 37 a Jerusalem Election a Judate'n deihtelna a bawl khelh u hi, Jentelte dinga hamphatna ahung hitai, (Lalpa chuh pahchak in um hen). Ziezawh chun, Pilat in Barabbas chuh a thahdawk a, Isu chu a zepa, Kross a khet den dingin apie dawk ta a. Tichun, Lal Isu mawhna neilo hiel chu, panpihtu ding neilo in, thiemplouh chan saka umin Rom sepaihten apui

uh a, ling-lukhuk akhuk sak uha, apuon hawk sakin, chil a sietkhum uh a, mawlhin a zep ua, chiemnuih bawlnan amang ua, Golgotha atih uh mun achun apui ua, Kross ah a khen den tau hi. Awle, suohpih ulenaute haw, guntak in kingaihtuoh hitiu, Juda ten Jerusalem a, deihtelna, abawl khelh ziek un Isu thisan mawh

chu, amau haw deih telna ngei in, amau haw leh achateu chung ah atung ngei hi tih hengilhu puoi tiu. Zieziekchun, zie article sim cheng chung leh nang leh kei deihtelna muna ding zing I hui a, khawi zaw natel die?

- (i) Barabbas kumsawt gawtmun.
- (ii) Isu Krista kumsawt hinna.

## THUGAWLH THAK

(Bible chang tel Luke 22:20)



Rev. Khaitinthang

Thil him him hi athak I tih phat leh, aumsa mattheih tak louh, zieziek achuh athak kiguong galh, leh siem ahi sek hi. Zieziekchun, tuni hin thugawlh um zie leh a pawimawh zie neu khat ana ngaihtuoh khawm hitiu.

1. *Thugawlh Masa:* Pawtdawkna 20: 1ff Pathien in asuok Mosie mangin Israel te bitna ding leh Pathien lungnatna apat a suohchak theihna ding un, Thugawlh, Thupiek Sawm (10) ana pie a, ziechuh Israel chate'n abawna a zuih bukim ua, asuk pitit uchun, Pathien ngaihdamna achan ding uh ahi.

Zie hi bang zieka Pathien in apiekhel khel a him tih bangle aum thei

hi. Mahleh Thupiek I tih phat leh aloutheilou atei-tei ding tihna ahi. Israel chate hin Pathien deih louh bang leh, A tih louh banga aum phat phat uleh, Pathien in alungnat suk daihna ding leh Amah lam abelh kit theihna ding u tin, A gawt sek a, zie tawbang chuh ahih zinglai in Pathien in mihiemte Pathien masanga thiem achan theihna ding uh lampi, asiem sak a, Zie chu Thu-Sawm piek zuih leh nit hi ahi. Zie chuh Israelte adam nading u leh, asuohchak